

Utoqqaat siunnersuisooqatigiiffianni ataatsiminnermit imaqarniliaq

Piffissaq: Pingasunngorneq ulloq 27. oktobari 2021 nal. 15.00-17.00

Sumiiffik: Ataatsimiittarfik 1, Kommuneqarfiup allaffiani

Ataatsimiinnermut qaaqquneqarsimasut:

Marianne Jensen, siulittaasq

Mina Lorenzen, siulittaasup tullia

Kirsten Holm, ilaasortaq

Jakob Thorsen, ilaasortaq

Mikael Ludvigsen, ilaasortaq

Arnannguaq Heilmann Christiansen, utoqqarnut suliassaqaqfimmi sulianut pisortaq

Inge Olsvig Brandt, kommunalbestyrelsimut ilaasortaq

Lise Buchardt, stabschef

Sascha Winum Petersen, allatsi

Aggersinnaanatik nalunaartut:

Marianne Jensen, siulittaasq

Inge Olsvig Brandt, kommunalbestyrelsimut ilaasortaq

Lise Buchardt, stabschef

Ullormut oqaluuserisassat:

1. Ullormut oqaluuserisassat akuerineqarneri
2. Ulloq 21. septembari 2021 ataatsimiinnermi imaqarniliamik akuersineq
3. Ilisimatitseqatigiinneq
 - 3.1 Siulittaasup nalunaarutai
 - 3.2 Utoqqarnut suliassaqaqfimmit nalunaarutit
4. Kommuneqarfik Sermersuumi suleqatigiinnissamut isumaqatigiissut pillugu saqqummiineq, Inge Olsvig Brandt
5. Utoqqaat siunnersuisooqatigiit suleriesissaat
6. Utoqqaat siunnersuisooqatigiit sulinerannut ilaasortat angorusutaat
Tamarmik 2 minutsit ingerlaneranni Utoqqaat siunnersuisooqatigiiffiata sulineranni angorusutatik pillugit saqqummiissapput
7. Suliniuteqarfiugallartut pingaarnersiorneri
8. Kommuneqarfik Sermersuumi Utoqqaat siunnersuisooqatigiiffiata suliai pillugit siunissami pilersaarutininik/isumassarsianik saqqummiinernut siunnersuut
9. Ukiumi pisussat 2022
10. Utoqqaat siunnersuisooqatigiiffiata siunissami sulinissaannut siunnersuutit / atortussat kissaatigineqartut
11. Allat
 - 11.1 Immikkoortoq aalajangiiffigisassaq: sinniisussat Utoqqaat siunnersuisooqatigiit ataatsimiinneranni pegataasarnissaat

Imaqarniliaq

Siulittaasup ataatsimiinnermut peqataannginnerani siulittaasup tulliaata ataatsimiinneq aquppaa. Siulittaasoq oqaaseqaatinik nassiussimavoq taakkulu siulittaasup tulliaata immikkoortukkaarlugit saqqummiuppai.

1a. Ullormut oqaluuserisassanik akuersineq

Ullormut oqaluuserisassaq imm. 4) ullumikkut eqqartorneqassanngilaq Inge Olsvig Brandt ataatsimiinnermut peqataasinnaanani nalunaarnera pissutigalugu kiisalu siulittaasup tulliaata ullormut oqaluuserisassaq imm. 7) ataatsiimiinnissap tullianut kinguartinneqarnissaa siunnersuutigaa.

Ilaasortat ullormut oqaluuserisassat, aamma ullormut oqaluuserisassaq imm. 4)-p aamma ullormut oqaluuserisassaq imm. 7)-p kinguartinneqarnerat akuerivaat.

2a. Ulloq 21. septembari 2021 ataatsimiinnermi imaqarniliamik akuersineq

Akuerineqarpoq.

3a. Ilisimatitseqatigiinneq

3b. Siulittaasup nalunaarutai

Uanga nammineq Inge Olsvig Brandt qinnuigisimavara uani ataatsimiinnermi peqataaqqullugu, qinnuiginninnerlu akuerineqarsimavoq. Ajorluartumilli piviusunngorsinnaasimanngilaq. Utoqqaat siunnersuisooqatigiiffiata kommunalbestyrelsimit aallartitamik naapitaqarnikkut sulinertik pitsaasumik aallarnerneqarnissaralua piffissaq kingusinnerpaaq atorlugu pisinnaajunnaarnera ajuusaarutigaat. Utoqqaat siunnersuisooqatigiiffiata kissaatigaat siulittaasup aamma siulittaasup tulliaata kommunalbestyrelsimik attaveqartarnermut sinaakkutissat pillugit eqqartorneqarnissaat pillugit ataatsimiittoqarnissaanik qinnuiginnissasut.

3c. Utoqqarnut suliasaqarfimmit nalunaarutit

Arnannguaq nalunaaruteqarpoq utoqqarnut suliasaqarfimmi pisortat sapaatip akunnerani kingullermi suliatigut pissarsiffiulluarmik. Suliasaqarfiup iluani suleqatigiit akornanni unammillernartut aamma suliasat tamakkut qanoq ilillugit pitsanngorsaavigineqarsinnaanersut kivinneqarsinnaanerallu oqaluuserineqarsimapput.

Utoqqaat siunnersuisooqatigiiffiannik suleqateqarnissaq qilanaraa, aamma isumaqarpoq siunnersuisooqatigiit sulinerat suliasaqarfimmut iluaqutaajumaartoq.

4a. Utoqqaat siunnersuisooqatigiit sulerusissaat

Malittarisassat oqaluuserineranni ilaasortat isumaqatigiipput oqaluuserisassaq ataatsiimiinnissap tullianut siulittaasup peqataaffigisassaanut kinguartinneqassasoq.

Ilaasortat taakkartorpaat malittarisassat malillugit kommunimi utoqqaat innuttaasut tamarmik pissutsit atugaasa siuarsarneqarnissaannut siunnersuisooqatigiit suleqataassasut. Taama suleqataanissamut siunnersuisooqatigiit isumaqarput utoqqaat peqatigiiffii annertunerusumik

ilanngutitinneqartariaqartut suleqatigineqarlutillu, taamaattumillu malittarisassani tamanna suleqatigiinneq erseqqinnerusumik allassimasariaqartoq.

5a. Utoqqaat siunnersuisooqatigiit sulinerannut ilaasortat angorusutaat

Ilaasortat tamarmik immikkut 2 minutsini siunnersuisooqatigiit sulineranni anguniagassatut siunnersuutitik saqqummiutissavaat.

Kirsten Holm: Utoqqaat siunnersuisooqatigiit kommunimi utoqqaat atugarisaannik siuarsaaneq ukkatarisariaqarpaat, tamanna pissaaq kommunimik ataatsimeeqategartarnerit pitsanngorsaaviginerisigut, uani eqqarsaatigineqarpoq matu-ataatsimut tunngavik (one-door princippet). Kiisalu utoqqaat namminneq angerlarsimaffiimmiittariaqarnerat pillugu kommunip politikkiani unammilligassat aamma pitsaaqutaanngitsut suliaqarfigineqartariaqarput. Ukiut tamaasa innuttaasunut utoqqalinersiaqalersartunut paasissutissiinermik ataatsimiititsisoqartariaqarpoq.

Mikael Ludvigsen: Utoqqaat kommunimi aningaasaqarnikkut atugaat qaammarsaavigineqartariaqarput, aamma utoqqalinersiat allanngujutsutut misiginartarnerat ilanngullugu. Utoqqaat aningaasaqarnikkut qanoq ittunik pisinnaatitaaffeqarnertik pillugu ilisimatinneqartariaqarput, aamma siunnersuisooqatigiit assersuutigalugu utoqqaat nakorniarnerminnut atatillugu bussertarnerannut akikillisaavigineqartarnerannut maanna pissutsit eqqarsaatigeqqinnerannut peqataasariaqarput.

Mina Lorenzen: Siunnersuisooqatigiit utoqqaat inuttaasut kommunimut eqaannerusumik ersarinnerusumillu saaffiginnittalernissaannut qulakkeerinneqataallutik suleqataasariaqarput, aamma taaneqartartoq matu-ataaseq pillugu tunngavik (one-door princip). Kiisalu utoqqaat kommunimik naapitsinerminni qanoq ittunik pisinnaatitaaffeqarnerlutik annertunerusumik ilisimasaqalernisaannut suleqataasariaqarput.

Jakob Thorsen: Utoqqaat siunnersuisooqatigiiffiat suleqatigalugu utoqqaat atugarisaasa aamma utoqqaat ataqqinassusaata ukkatarineqarnerulernissaat sulissutigerusuppaa. Utoqqaat innuttaasut ikiorneqarusullutik saaffiginnikkaangata imaluunniit suliamik suliarinninnermik sulissunneqarnerminni piffimmiit piffimmut nassiunneqattaartarneri utoqqarnik ataqqinninnginnertut misigisarpaa.

Marianne Jensenip ataatsiimiinnerup tulliani siunnersuisooqatigiit suliaasaatut angorusutani saqqummiunniarpai.

6a. Kommuneqarfik Sermersuumi utoqqaat innuttaasut Utoqqaat siunnersuisooqatigiit pillugit ilisimatinneqartarnissaannut pilersaarut/isumassarsiat

Utoqqaat siunnersuisooqatigiinni ilaasortat aalajangerpaat, immikkoortoq ataatsimiinnissap tullianut kinguartinneqassasoq.

7a. Ukiumi pisussat 2022

Utoqqaat siunnersuisooqatigiiffiata ilaasortaasa aalajangerpaat immikkoortoq ataatsimiinnissap tullianut kinguartinneqassasoq.

8a. Utoqqaat siunnersuisooqatigiit suliaat pillugit siunissami pilersaarutinik/isumassarsianik saqqummiinernut siunnersuut

Ilaasortat kommunimi utoqqaat peqatigiiffiannik peqataatitsilernissaq suleqateqalernissarlu naleqquttutut isigaat. Peqatigiiffiit utoqqaat pissutsit atugaat pillugit ilisimaqarput, ilisimasallu

Utoqqaat siunnersuisooqatigiiffiata sulinerannut iluaqutaassapput. Utoqqaat siunnersuisooqatigiiffiata kommunip illoqarfiini utoqqaat peqatigiiffii attaveqarfigilerusuppai.

Alla saqqummiunneqartussatut naleqquttoq tassaavoq kommunip sulianik suliarinnittarnera, siunnersuisooqatigiit sulianik suliarinnittariaatsimik kiisalu utoqqaat pisinnaatitaaffiinik paasisaqarnerulerniassammata.

9a. Allat

Jakob Thorsen Paamiuni najugaqartoq oqarasuaatikkut ataatsimiinnernut siunissami peqataasarniarpoq.

Utoqqaat siunnersuisooqatigiivisa uggornartippaat siunnersuisooqatigiit kommunini tamani ilaasortaatitaqanngimmat. Tunumit ilaasortassamik nassaarnissamut periarfissaq misissorneqassaaq.

9b. Immikkoortoq aalajangiiffigisassaq: sinniisussat Utoqqaat siunnersuisooqatigiit ataatsimiinneranni peqataasarnissaat

Sinniisussat taaseqataasinnaanatik ataatsimiinnernut peqataasarnissaat ilaasortat aalajangerpaat.

Ataatsimiinnissap tullissaanut misissorneqassaaq utoqqaat siunnersuisooqatigiiffiata siulittaasuata sinniisua ilaasortaq sinnerlugu taasisinnaatitaanersoq misissorneqassaaq.

Inuulluaqqusillunga // Med venlig hilsen

Isumaginninnermut Suliffeqarnermullu Ingerlatsivik
Forvaltningen for Velfærd og Arbejdsmarked